

**Koblenzer Mundart:**

**Dä gescheite Fiffi!**

En Metternich, am Musselstrand,  
Vurort von Kowelenz,  
get et en Hond, dä hat Verstand,  
e Veeh met Intelligenz.

Ä zeehlt schuns 70 Hondejohr,  
ganz struppisch es sein Fell.  
Heißt Fiffi on es, wärklich wahr,  
en montere Gesell.

Sein Frehsteck höllt ä sich herbei,  
benutzt dä Zebrastreif,  
saust schnurstracks en die Metzgerei,  
sorgt sich wat en de Leif.

Vom Meddachsesse hält ä nix,  
rehrt gar net an dä Knatsch.  
Om 4 Uhr rennt dä Schlingel fix  
zom seße Kaffiklatsch.

Ä es bekannt em fernste Nest,  
bezwingt de hichste Berg.  
Wor off dem Gölser Blichtefest,  
gieht Sonndaachs en de Kärch.

Oft trifft mer inn och en der Stadt,  
zom Beispill off em Plohn.  
„Ich hann hei wat ze dohn gehatt“,  
däht ä am leefste sohn.

Dobei guckt ä dich treulich an  
on laift e Steckche met.  
Jo, an dem Fiff es alles dran,  
bluß schwätze kann ä net.

En Stammbaum weist ä keine off,  
doch sonst es ä gesond.  
Nur „Baumstamm“, do läächt Wert ä  
dä schlaue Findelhond. [droff,

Katharina Schaaf

Katharina Schaaf

15.5.68